

海録碎事

亥



海錄碎事卷第二十二上

鳥獸草木部

飛鳥門

水敦公

陸龜蒙詩一生無事煙波足唯有

水敦公

共命鳥

老杜道林寺行云蓮花交響共命鳥釋氏書有共命鳥

二首而一身

結遼鳥

唐會要林邑國有之謂之吉了鳥能人語



波斯鷲

波斯國有鷲鳥敢芋出梁文

周周

周周尚嚙羽蛩蛩亦念飢周周鳥名重頭屈尾飲於河則必顛常嚙其羽然後得飲阮嗣宗

歸飛翼

仰瞻凌霄鳥羨爾歸飛翼陸士衡詩

聾取

陸龜蒙詩魚鳥空聾取左在思賦魚鳥聾取乃物蠢生也
上語虎反乍魚乙反

摩天游

寒蟬在樹鳴鶴鵠摩天游王仲宣詩

出林翻

出林翻未夕復來歸淵明詩

鷩卵

鷩猶鷩卵始生翰毛鳥子也口角反陳琳檄

木客鳥

異物志廬陵有木客鳥大如鵲云是木客作化鳥

度鳥

龍生鳳凰生鸞鸞生度鳥

鷓鴣鳴

鷓鴣鳴曰向南不北逃問鳴懸胡盧繫頸

早收

甲收晚鳥沉幽語歷刺烟皇露病桶林連詩

鳥白

張祐詩杜鵑花發杜鵑叫鳥白華生鳥白啼

雞頭鶻

東坡謝人牛尾狸泥深厭聽雞頭滑酒淺欣嘗牛尾狸
注蜀人謂滑滑為雞頭鶻

好鳥

好鳥鳴岩扃吳筠與朱元思書自富陽至桐廬奇山異
水天下獨絕好鳥相鳴嚶嚶成韻

介鳥

雉介鳥也爾雅疏

薄天飛

翔鳥薄天飛選詩

晴交

鶴以聲交鵲以意交鷓鴣晴交而孕爾雅疏

巢南枝

胡馬嘶北風越鳥巢南枝選詩

風翔雨舞

爾雅疏風翔則風雨舞則雨霜蜚則霜露翥則露注曰
風禽為類越人謂之風伯翔則大風商羊一名雨鷗鷗
飛則霽霜露禽鶴也鶴之馴養於家庭者飲露則飛去

朝朝夜夜

林鳥朝朝水鳥夜夜爾雅疏

野義養搏

鴛鴦野則義養則搏水鴛澤則群擾則逐爾雅疏

右掩左雄

爾雅曰鳥之雌雄不可別音以翼右掩左雄左掩右雌

鄭持笈云陰陽下之義也

雝渠

爾雅疏鷓鴣一名雝渠頸下黑如連錢故杜陽謂之連

錢連錢見上

鳥擇木

鳥則擇木木豈能擇鳥耶左傳

沸河

禽經云淘河在岸則魚沒沸河在岸則魚出淮南子云
鳥有沸波令大鵬飛水上翫魚令出沸波攫而食之

鳩逐婦

女馬言子孫

此言為文

語曰天將雨鳩逐婦蓋鳩陰則屏逐其匹晴則呼之禽

毅鳥

禽經鶡毅鳥也鷓信鳥也

巧婦

鳩性拙鷓性巧俗呼巧婦一名工雀取茅為窠至精密以麻紮之刺鞞然又一名鞞雀

鞞雀見上

脩鷓短鳧

沈約郊居賦秋鷺寒鶩脩鷓短鳧鷓也

一宿鳥

毛詩傳鳩一宿之鳥箋云一宿者一意於所宿之木

冠鳥

禽經冠鳥性勇帶鳥性仁纓鳥性樂冠鳥若鷹是也帶鳥若練鵲是也纓鳥若綬鳥是也

脂餅

舊就鳥雀尾上有肉高有穴者名脂餅每引嘴取脂以塗翅毛則悅澤雨露不能濡

一為鴝

禽經曰鶴生三子一為鴝鳩生二子一為鴝

葱鷺

魯都賦綠鷓鴣言驚色青

韓朋鳥

搜神記韓朋大夫妻美宋康王奪之夫妻皆自死王怒埋之其塚相望經宿忽有梓木枝連於上有鳥如鴛鴦棲其木人謂之韓朋鳥

青鷓

春山有白鳥青鷓執犬羊食鹿豕

報春鳥

顧渚山茶記山中有鳥如鸚鵡色蒼每至正月二月作聲云春起也至三月四月春去也採茶人呼為報春鳥

王母使

翩翩三青鳥毛色竒可憐朝為王母使暮歸三危山
陶淵明詩

蚊母鳥

江南有蚊母鳥夏月夜鳴吐蚊叢蒿間又蚊樹枇杷熟則皮烈蚊紛然而出國史傳

重明集

祗支國獻重明鳥似鳳而小云能禳妖災國人每掃戶以望其集拾遺記

三青鳥

龜山西王母有三青鳥主爲母收食出山海經

鵯鵯南翥

鵯鵯雖東西迴翔開翅之城必先南翥其鳴自呼薄杜
又本草云自呼鈎輶格磔故李群玉詩云方穿語曲崎
嶇路又聽鈎輶格磔聲嶺表異錄

鬼車

鴟又名休鷓夜飛晝伏能拾人瓜甲以爲凶凶則鳴于
屋上故人除瓜甲必藏之又名夜遊女好與嬰兒爲祟
又名鬼車又名魚鳥能入人屋收魂氣其首有九爲犬
所噬一首常下血滴人家則凶故聞其聲則擊犬使鳴

以厭之鵯鷓晝日無見夜則日明陳箴器引五行書除
手瓜埋戶內此鳥乃姑獲鬼車之類也姑獲夜飛晝藏
一名天帝少女一名夜行遊一名隱飛好取人小兒養
之今小兒衣不欲夜露爲此物受以血點其衣爲誌即
取兒也嶺表異錄

翡翠

廣志翡色赤翠色紺江淹翡翠賦云彼二鳥之奇麗

大蒼

一馬融書晚秋涉冬大蒼出籠黃棘下兔笔以乾葵大蒼
鷹也

題肩

詩疏隼鷁也齊人謂之題肩

林鳥同心

林鳥同心池魚比目梁元帝鴛鴦賦

一生分

金鷄玉鵲不成群紫鶴紅雉一生分梁元帝鴛鴦賦

鷓鴣壓火

江東人家養之以壓火災故摯虞賦云見水則喜睹火則憂

食短狐

臨海異物志雞鶉食短狐其在溪中無毒氣

六紛負

漢房中歌云赤鴈集六紛員注言赤鴈之數六也員音

云

撥穀鳴

日出撥穀鳴田家催鋤犁李白詩

五色毛

群鳳憐客鳥差池相哀鳴各拔五色毛意重太山輕

李白詩

吟晴日

谷鳥吟晴日江猿嘯晚風李白詩

紅翠

皮日休羅浮山紅翠數聲瑤室響注紅翠鳥名也浮山有瑤房瑤室七十二

孝順鳥

鄭箋鳩鳥之謹愨者人皆愛之則是謹愨者孝順之鳥也

求偶鳴去子

山雞晨群野雉朝雊求偶鳴子悲號長嘯

竹林

竹林靜啼青竹笋竹林鳥名也

媚蝶乳鶯

媚蝶乳鶯劉子儀

田鵲題鳩音弟桂

臨海異物志題鳩也春三月鳴晝夜不止音聲自呼俗言取梅子塗其口兩邊皆赤上天自言乞思至當麥子熟鳴乃止耳

車覆粟

論語疏公冶長辯鳥雀語云喞喞嘖嘖白蓮水邊有車覆粟車脚淪泥犢牛折角收之不盡相呼共啄人

驗之果然

金吾鳥

漢武更中尉為執金吾師古曰金吾鳥名也主辟不祥天子出行職先導以備非常故執此鳥之象因以名官

杜宇

望帝禪位於鱉靈升西山隱焉時適杜鵑方鳴俗思帝恩號為杜宇以誌其隱去之時或曰杜鵑望帝精魂所化

苦姑

南海有苦姑鳥聲如人音多懷悽愴異物志謂之苦鳥

黑鳥

夏小正云十月黑鳥佻黑鳥鳥也佻謂飛下高乍下也

翡翠

張揖上林賦注翡翠大小如雀雄赤白翡翠雌青白翠

剛蟲

東京賦剛蟲搏鷲注鷹豺之類也

鴻儔鵠侶

鴻鵠群飛故有儔侶蜀都賦白鴻儔鵠侶

奇鶴

奇鶴九頭音倉鳥也江賦

雲飛水宿

雲飛水宿弄吭清渠蜀都

鷓鴣

鷓鴣鷓鴣也

人舌

山海經黃山有鳥其狀如鴉青羽赤喙人舌能言注舌似小兒舌

桑飛

鷓鴣方言曰桑飛

離鷓

嚶若離鷓鳴清池琴賦

薄天遊

琴賦眇翩翩道薄天游注薄迫也

思婦

思婦鳥名也

田鶴沙鷓

田鶴遠相叫沙鷓忽爭飛音保謝玄暉詩

高下飛

青鳥海上遊
鸞斯高下飛
阮步兵詩

排空

淮南子云鳥排空而飛

佩善芳

王元長詩序云佩善芳善芳頭若雄雞佩之令人不寐注遠國異鳥名

獨足鳥

梧州新寧縣所出啄脚皆赤藻綉相輝

金足鳥

出梧州廣寧縣羽翰如玉啄脚如金其鳥自呼商羊

自呼商羊

見上

音聲子

鳥名出興州百舌之類也

錦馳鳥

錦馳鳥出秋浦如吐綬雞見李太白詩

惜春鳥

惜春鳥大不踰燕其聲曰莫摘花果人謂之護山鳥

擣藥鳥

不見其形但聞其聲如杵曰敲磕人為之葛仙翁擣

藥鳥

雲韶部

雲韶部有二種亦謂之音哂鳥

音聲鳥見上

波鴻

波鴻水鳥也

鷗鷺門

鷺出鼓中

吳王夫差時有雙白鷺飛出皴中而入雲也

古今樂錄

隨潮鷗

南越志漲海有鷗鳥隨潮上下

昆明鷺

樂府王僧孺朱鷺許願識昆明鷺乘流飲復棲

鷺目成

變化論曰鷺目成而受胎鶴影接而懷卵鴛鴦交頸

野鵲傳枝

絲禽

鯉錦衝風擲絲禽掠浪飛陸龜蒙詩絲禽鷺也

帶絲禽

帶絲禽白鷺也

葭下食

蘇子卿朱鷺云非貪葭下食懷恩自遠歸

春鋤

鷺一名春鋤步於淺水好自低昂故曰春鋤亦謂之

獨春

燕門

吳宮燕

吳宮燕宮人留瓜以記更來

西飛燕

東飛伯勞西飛燕黃姑阿母時相見

僵燕

涸魚思雨潤僵燕堅雷蘇李紳詩

差差燕

灼灼海棠誰復折差差燕子又還飛 王禹玉詩

燕姑

范質云有二燕巢舍下其雌為猫所搏其雄別與一

燕為匹哺食如故數宵諸鷦墮地死剖之則有疾梨

盈於嗉中蓋為繼室者所害凡有血氣未嘗無憎愛

疾妬之心也

鷲鳥

燕一名天女一名神女一名鷲鳥

鷲門

黃袍

黃鷲一名黃袍

閔女歌

鷲唱閔女歌瀑懸楚練帔

蠻蠻

山海經宗丘山有鳥狀如鳧一翼一目相得乃非名曰蠻蠻郭景純云此比翼鳥也爾雅謂之鷲鷲

黃鷲留

爾雅釋云離黃倉庚也鳴則蚕生毛詩草木疏云黃鷲留也或謂之黃栗留幽州人謂之黃鷲一名商庚一名鷲黃一名楚雀晉人謂之搏黍閔西謂之黃鳥方言云自閔而東謂之倉庚閔西謂之黃鷲留也

鷲篁

清浮酒蟻醅初撥暖入鷲篁舌漸調

鴻鴈門 點點鴻

江湖今日還芳結目送歸飛點點鴻林逋

旅鴈

旅鴈同洲宿寒鳧夾岸飛

張正見詩

舒鴈

鵞一名舒鴈江東呼為鵞

客鴈

廬州客鴈報春來

李義山

鴈雍雍

鴈雍雍而南游

離騷

鴈子

太液池中鳧雛鴈子布滿充積

單汎

鴈詩群浮動輕浪單汎逐孤光

沈休文詩

足蹠踵企

爾雅鳧鴈醜其足蹠其踵企足蹠謂相聯屬也

朱鳥

燕一名玄鳥燕一名朱鳥

客南淮

往春翔北土今冬客南淮言鴈如此

應德連詩

鵲門

鳥鵲南飛

月明星稀鳥鵲南飛繞樹三匝何枝可依

魏武帝

靈匹

雲漢有靈匹彌年闕相從謝惠連詩

乾鵲

乾鵲知來徑徑知往出淮南子

嚮天一

淮南子云蟄虫鵲巢皆嚮天一

鵲制蛭

蛭能制虎見鵲便仰腹受啄中其矢輒爛淮南子云

鵲矢中蛭

鳩鵲

後漢章帝條支國貢異鳥名鳩鵲高七尺解人語國

太平則群翔鳴焉

神女

鵲一名神女七月填河成橋

芻尼

作七夕詩押潘尼字衆人竟和無成詩者僕時不曾

賦後因讀藏經呼喜鵲爲芻尼許彥周詩話

鳳門

鳳十子

易林云鳳有十子同巢共權以相保

鳳花臺鳥

幽恠錄柳婦舜泛舟也陵風飄至一處有鸚鵡數千相呼姓字有名武遊即者有名阿蘇兒有名武仙即者有名自在先生者有名踏蓮露者有名鳳花臺者有名戴蟬兒者有名多花子者又云吾乃鳳花臺鳥也

鳳靡鸞叱

鳳靡鸞叱百鳥瘞之注云鳳死曰靡鸞死曰叱禽鳥啄土以瘞藏之爾雅疏

玉池津

朝食琅玕實夕飲玉池津言鳳也嵇叔夜詩

瑞鷗

師曠禽經鳳亦曰瑞鷗蓋瑞應鳥也

瑞鳥

又曰鸞瑞鳥注云鸞者鳳鳥之亞始生類鳳久則五彩變易故字從變

雞趣

鸞一曰雞趣王者有德則見爾雅疏

錦鳳

軒渠國有九色鳥青口綠頸紫翼紅膺丹足紺頂碧

色湘背玄尾名曰錦鳳其青多紅少謂之繡鸞常從
弱水西來或云是西王母之禽也

繡鸞見上

雙彩鳳

遙裔雙彩鳳婉孌三青禽以歡秦娥意復得王母心

李白詩

鳳圓

流沙之西丹山之南有鳳之圓圓古卯字

和鸞

鸞雌曰和雄曰鸞禽經

白鳳雛

有燕巢長數尺忽群鳥翔集因毀巢有白雛飛出群從
去又有燕巢中有赤光毀之一赤龍子長尺許鱗甲皆
具少頃故騰躍而去金華子

鳳凰子

晉王獻之詩客從北方來言欲到交趾遠行無他書唯
有鳳凰子百金我不欲千金難爲市

鳥門

窮鳥

何遜作窮鳥賦云望絕侶於霞端聽翔群於日晚

三足鳥

家語曾子季季三足鳥棲其冠

烏頭白

燕丹質秦求歸秦王不聽曰烏頭白乃可歸丹仰天嘆
烏乃頭白遂得歸

雅鳥

爾雅云小而腹下白不反哺者謂之雅鳥說文字林皆
云楚鳥是也

集庭樹

虞博為鄱陽令白鳥群集其樹晉本傳

聞弦驚

太宗鳥詩近日毛雖煖聞弦心已驚

鳥性壽

舊說鳥性壽三鹿死後能倒一松三松死後能倒一
鳥

尾畢逋

漢桓帝時謠云城上鳥尾畢逋

麗城

楊師道鳥詩朝飛麗城上唐太宗詠鳥凌晨麗城去

孝鳥

許慎說文鳥孝鳥也

哀鳥

哀鳥吟夜注云鳥失雌雄則夜啼

巢門

吳頌至孝養母有赤鳥巢門華陽國志

雀門

寒鳥喙

不覩白日景但聞寒鳥喙音歡

雀化見水族門

義雀行

賈島賀朱評云玄鳥夕不歸啾啾遺衆雛雙雀挽仁義哺食勞的的禽賢難自彰幸得主人書

嘉賓

黃雀一名嘉賓古今注

鶴門

丹歌

趙自然詩丹歌時引舞來去跨雲鸞丹歌鶴也

江陵鶴

劉義慶世說羊祜鎮荊州於江陵澤中得鶴教其舞動以樂賓友

鶴乘軒

狄人伐衛懿公好鶴有乘軒者國人受甲者皆曰使鶴鶴實有祿位余焉能戰遂為狄滅

鶴知夜半

繁露曰鶴知夜半鶴水鳥也夜半水位感其生氣則喜而鳴也

還丹使

茅君傳云鶴者是九轉還丹使

子孫鶴

池棲子孫鶴堂宿弟兄仙陸龜蒙寄茅山何道士

獨足鶴

漢武時有獻獨足鶴東方朔曰此山海經所謂畢鸞

珠樹鶴

李白賀監借問欲棲珠樹鶴何年却向帝城飛

鶴怨雞真

禽經曰鶴以怨望鳴以貪願雞以真脫鴨以怒雀以猜瞿燕以狂矜視也鷲以喜轉鳥以悲啼鳶以飢鳴鶴以潔唳梟以凶叫鳴以愁嘯鳴也

兵爪

鶴左右脚裏第一指名曰兵爪酉陽雜俎

落子毛

鶴二年落子毛鶴經

藻質明心

鍾浮曠之藻質抱清迥之明心舞鶴賦

靈祀

積靈祀而萬多鶴壽故云

翔紫蓋

衡山有三峯一名紫蓋天明輒有一雙白鶴迴翔其

上清響亮徹荊州記

養青田

沐溪野去青田九里有雙鶴年年生伏子長大便去

只餘父母一雙精白可愛多云神所養永嘉郡記

九臯介鳥

九臯介鳥介大也謂鶴也思玄賦

鸚鵡門

言鳥

漢異域志獻言鳥注云鸚鵡

鶯鶯

說文云能言鳥也張昭云鳥有鶯鶯請覓鶯父

南越鳥

張祐鶯鶯詩栖栖南越鳥

鸚鵡塚

廣南進白鸚鵡詞恍言詞呼為雪衣女一日為鷹所斃遂瘞於苑中為鸚鵡塚見開元天寶遺事

鴛鴦門

匹鳥

文選注鴛鴦一名匹鳥也

孤鴛鴦

中有孤鴛鴦哀鳴求匹傳

河曲鳥

思為河曲鳥鴛鴦也陸士衡詩

鳴梟門

愁鳴

茅棟嘯愁鳴平岡走寒兔沈休文詩

梟反啞

北山錄曰鳥反哺梟反啞

梟鏡

古者祠黃帝用一梟破鏡以梟食母破鏡食父破鏡如羆

土梟

釋鳥梟鳩土梟也釋氏書云如土梟等附塊爲兒

鴉門

昏鴉

何遜詩城陰度塹黑昏鴉接翅飛老杜使此事云無人竭浮蟻有待至昏鴉

仁鳥

晉文公焚林求介子推有白鴉達煙而噪呼曰仁鳥俗謂烏白臆者爲慈鳥亦其類也

金背

魚衝駭浪雪鱗健鴉閃夕陽金背光

燕鳥

爾雅云鴉白項而群飛者謂之燕鳥白脰鳥是也

鳧鷖門

晨鳧

晨鳧露鵠七命

月汀星沼

吳融鳧詩不在龍攔夜仍好月汀星沼剩徘徊

絕艷衣

野鳧詩三三兩兩自相隨檀頭回看絕艷衣

家鷺

爾雅曰舒鳧鶩釋云鶩鴨也一名舒鳧李巡曰野曰鳧家曰鶩

露華鶩

露華鶩以秋冬生如出廣志

鷹鷄門

鞞上鷹

昔如鞞上鷹今如檻中猿古侯及鮑明遠詩

晨風

晨風懷若心注鷹鷄屬選古詩

青散

青散繫於籠中何以効其撮東郭於鞞下也

百中

耿締進秋隼詩應隨明主意百中有先輝

鷹將軍

蕭轂野田黃雀行云寧死明珠彈且避鷹將軍

撩風翎

鷄兩翅各有複翎右名撩風左名撩草

鷹弭角

禽經曰鶩啄則絲弭鷹捕則角弭藏殺機也

白鶩將軍

朝野僉載大宗養白鶻弓將軍取鳥常駭至殿前故名落鴈殿常令送書從京至中都與魏王仍取報日往返亦陸機黃耳之類也

孔雀門

珠毛

孔雀尾端一寸名曰珠毛

因雷孕

釋氏書言孔雀因雷聲而孕百陽雜俎

孔家禽

珠繁楊氏果翠耀孔家禽林逋詩

子規門

杜鵑一名怨鳥夜啼達旦血漬草木

謝豹

江介曰子規啼若則倒懸於樹自呼曰謝豹也

催歸

退之詩喚起窓全曙催歸日未西無心花裏鳥更與盡情啼催歸子規也喚起聲如絡絲負轉清亮偏於春曉鳴江南曰春喚山谷云

子雉

音規子雉鳥也爾雅疏

窩周

窩周爾雅注今之子規也

走獸門

猴無脾

猴無脾以行消食

鹿無魂

道書中言麋鹿無魂故可食

李耳

方言陳魏宋楚之間謂虎為李父江淮南楚謂虎為李耳注云虎食物值尾而止以觸其諱故出神虎記

麋暖

博物志麋掘澤草而食其場成泥名曰麋暖民隨此暖種稻其收百倍

購三千

漢律捕虎一購錢三千豺一購錢百

兼十牛

郭璞象讚云象實魁偉體巨貌詭肉兼十牛自不踰豕

於菟

音烏徒楚人謂虎為於菟出左傳

一封駝

漢書大月氏出一封駝注脊上有一封李義山詩取酒一封駝

咆虎

咆虎響窮山鳴鶴聒空林咆虎鳴也張景陽詩

長鳴

騏驥長鳴伯樂昭其能盧狗悲號韓國知其才盧黑

犬也曹子建表

烏龍

常善俊有大名烏龍後化烏龍乘之而去

阿紫

狐媚人自稱阿紫出搜神

百錢狸

說苑騏驎至駿也使捕鼠不如百錢之狸

山都

異物志廬陵大山之間有山都似人裸身見人便走

自有男女長四五尺

塵尾

鹿之大者為塵群鹿隨之皆視塵尾所轉

獸錄禽督

馬融賦云獸不及猿禽不及鼈錄走也丑恋切瞥視也必例反

狼狽

狼狽是兩物狽前足絕短每行常駕兩狼失狼則不能動故世言事乖張則稱狼狽

麤菽

暝鳥影聯翩驚狐尾麤菽韓偓

牛龍曠

焦貢易林曰牛龍耳曠蓋牛耳無竅以鼻聽龍亦聾者也

食豹似麟

穆天子傳曰後覩日走五百里郭璞注師子也食虎豹又司馬彪續漢書曰章和元年安息國獻師子形似麟而無角

駝煙

駝糞煙直上如狼煙也

乘騶虞

山海經云騶虞五采畢具尾長於身乘之日行千里非辰屬

陶氏云麋鹿非辰屬八卦魚主故道家聽許為脯

明馳使

妃子私發明馳使遺祿山瑞龍脆香明馳者股下有毛夜間能明

子路

東土呼熊為子路述異記

腸寸斷

桓温入蜀部伍得猿子其母緣岸號行百餘里跳上船而絕破視腹中腸皆寸寸斷

辟邪丸

漢武帝時月支貢猛獸使者云乃攫天之元王辟邪

之長兄也帝以付上林苑徑上虎頭溺虎出十洲記

長喙參軍

長喙參軍猪也古今注

摩斯吒

摩斯吒梵言彌猴也

一角羊

獬豸一角羊也性知有罪者即以角觸之

山丈山姑

山魃嶺南皆有一足及踵手足皆參指雄曰山丈雌曰山姑夜扣人門雄求金繒雌求脂粉

孫供奉

昭宗播遷隨駕伎藝只有弄猴者其猴甚馴能隨班起居昭宗賜緋袍號孫供奉羅隱下第詩云何如買取御孫弄一笑君王便看緋是也朱梁僭号取此猴亦令於殿下隨班望殿陛見全忠徑趨其所跳躍來奮擊選令殺之唐臣魏此猴多矣吉西影響錄

山公

李約有山林之致養一猿名山公

蒙貴

猫名蒙貴一名烏圓其目睛旦暮圓日午則細如一

線洗面過耳則客至雜俎

佛佛讚

佛佛讚云佛佛恠萌被髮操竹獲人則笑脣蔽其目終亦號咷又為我戮

西巖峇

沈約猿詩既歡東嶺唱復佇西巖峇

狐有三德

狐有三德其色中和小前大後死則丘首出說文

玉衡精

言兔是玉衡星之精梁簡文表

白銀麋

穆天子傳天子賜曹奴之鹿白銀之麋

歸終知來

猩猩知往歸終知來神獸也出淮南子

挹婁貂

魏徒挹國出好貂今所謂挹婁貂是也

獸君

說文虎爲山獸之君

寅客

寅客虎也亦曰寅獸

猥狎

博物志蜀中西高山有物似獼猴長七八尺能人行健走名曰猥狎音符一名馬化又名攬伺行道婦人有美者盜而去人莫能知其所處也

猿相連

對嶺人共語飲潭猿相連李白詩

暝猿悲

望極落日盡秋深暝猿悲李白詩

猿嘯苦

風悲猿嘯苦木落鴻飛早李白詩

猿父

猿父哀吟揮子長嘯揮胡昆反猿父猿也選笙賦

白額侯

白額侯虎也

巴西侯

巴西侯猿也

鉅鹿侯

鉅鹿侯鹿也

玄丘校尉

玄丘校尉狐也

犀三角

山海經注犀似水牛而猪頭黑色有蹄三角一在頂上一在額上一在鼻上

含利獸

含利颯颯化為仙車注含利獸名性吐金故名含利

選東京賦

狼頭牛尾

麟麇身牛尾狼頭一角黃色馬足何法盛晉中興徽祥記

龍鯉

選江賦龍鯉一角山海經龍鯉陵居其狀如鯉

犬信信

猛犬信信而迎吠音銀離騷

封狐千里

封狐千里言其健千里也離騷

九尾禽

七命云苑戲九尾之禽圓棲三足之鳥九尾狐也

囊狸

出賀州形如犬色青黃食果實其香如鹿

嬾婦獸

出象州異物志云昔有婦嬾織姑過之死爲此獸其

膏以照讀書績紡則暗若宴會歌舞明

獨峯牛

出梧州土人乘騎如馬謂之角乘

六猿仙

宜州會仙有六猿仙隱於此

九尾狐

文王應九尾狐東夷歸周

麝食栢

麝食栢而香本草名鑿云麝香形似麝嘗食栢葉五月得香又夏自食蛇多至寒香滿入春患急痛以脚

剔去置矢溺中覆之皆有常處人得之勝殺取

猶豫

說文云隴西謂犬子為猶顏師古以為人將犬行豫在人前待人不得又來迎候如以往還至於終日斯乃像之所以為未定也爾雅曰猶獸名鹿善登木聞人啼乃豫升木如此上下故稱猶豫

馬駟門

漢驢

何承天纂文云驢一名漢驪

擅特驢

北齊南天竺國擅特山有寺以驢運食山下無人控

御自知往來

象龍

馮奉世使大宛得其名馬象龍而還注馬形似龍也

龍騎

輕羗承玉輦細草藉龍騎羗音啼草之初生也

倚輶

昔駮驥倚輶於吳坂長鳴於良樂知與不知也良樂孫陽也

飛燕

飛燕躍廣途鷁百戲清江飛燕良馬鷁首舟也謝靈運

邊馬

朔風動秋草邊馬有歸心王正長詩

娥離

娥離之馬注息康友良馬也李斯書

漢驪

何承天纂文曰驪一名漢驪其子曰騾

馬如遊魚

劉楨魯賦素秋二七天漢指隅日暮宴罷車騎就衢
蓋如飛鶴馬如游魚

千金驄

劍照七星影馬鞍千金驄

龍之友

天馬歌云今安足龍之友又天馬來龍之媒

青海驄

隋書西域傳吐谷渾馬放入海因生驄駒能日行千
里号青海驄

五花乘

畫斷說玄宗時有涇雲五花之乘

驥子

杜詩別養驥子憐神俊顏延年天馬歌云降靈驥子
九方是選

飛霞驃

談賓錄唐太宗外國有貢馬甚駿号飛霞驃

款段

款遲也言其形款遲緩馬少遊乘下澤車御款段馬

照夜白

上所乘馬有玉花驄照夜白杜詩曾見先帝照夜白

七名馬

秦始皇七名馬追風白兔躋景追電飛翾銅雀神鳧

九花虬

代宗以賜郭子儀每一鳴群馬聳耳身被九花

天子馬

天子之馬走千里勝人猛獸天子之狗走百里執虎

豹穆天子傳

渠黃乘

河宗柏天乘黃之乘爲天子先穆天子八駿曰渠黃

全上

馬歎玉

天子東遊於黃澤宮樂謠曰黃之阨其馬歎沙皇人

威儀黃之澤其馬歆玉皇人壽穀全上

銀蹄

李賀詠馬龍春貼連錢銀蹄白踏煙

冬隴

穆天子走龍媒八轡冬隴逐天回李賀詩

參差錢

青衣驄馬參差錢李賀

生猱

朔客騎白馬劒弋懸蘭纓俊健如生猱肯拾蓬中瑩

李賀

驚帆

古今注曹真有馬名驚帆言其驟如烈風牽帆之疾

花鷹

世說支遁好養花鷹駿馬曰我怜其神駿耳

蹄間三尋

張儀曰秦馬之良探前跌後蹄間三尋

駒隨母

范質言驢馬駒隨母月初生者在前中在旁下旬在

後數驗不差玉堂閑話

九逸

文帝在代有良馬九疋号九逸如赤電鱗駒紫騮綠
螭驄皆其名西京雜記

越三氈

秦叔寶所乘馬名忽雷駿者每月夜設三領墨氈當
前躍而過百陽雜俎

紫叱撥

常生有駿馬名紫叱撥換鮑生女妓善四絃者

豹錢駝

豹錢駝子能擎舉兼着連乾許換無改成式

文馬

賈逵曰朱以文馬四百匹贖華元裡文也

西極馬

漢武初得烏孫馬好名曰天馬又得宛汗血馬益狀
更名烏孫馬曰西極馬宛馬曰天馬云

玉腕騮

聞說荆南馬尚書玉腕騮杜詩注五陵節度使衛駟

秀騏

駟秀騏之俊駿載軫獵之輜車文選

小步馬

烏托國出小步馬注所謂百步千跡者也烏托音鴉
槲

金埒

洛京地貴王濟買地為馬埒徧錢蒲之時号金埒

晉書

紅暈衝口

紅暈衝口紫先騰自言馬之駿也

一形十影

殷文圭啓二首六身英識雅符於魯史一形十影遐

程遂逸於燕山注周時燕王進馬一形十影言其駿也

師子駮

煬帝賜李星御馬一疋名師子駮玉篇去吉切馬色也

飛龍秋

飛龍秋游上天言駕馬騰驤秋秋然也房中歌

七日起母

孟康曰馱馱駿馬也生七日而超其母

龍文魚目

龍文魚目之馬充於黃門西漢

白鼻騮

銀鞍白鼻騮綠地障泥錄李白

碧玉蹄

紫騮鳴且嘶雙翻碧玉蹄李白

犁眉騮

五馬名

五馬名

朝策犁眉駟舉鞭九不堪李白

飛龍馬

勅賜飛龍二尺馬黃金絡頭白玉鞍李白

白花駱

醉騎白花駱西走邯鄲城李白

浮雲驄

歸時日已晚蹀躞浮雲驄李白

青驪

颯背青驪躍紫驕王維

鮑氏驄

鮑宣及子永孫昱俱為司隸校尉及其為公皆復乘
驄馬京師歌之曰鮑氏驄三入司隸再入公馬雖疲
行步工又慕容雋有駿馬比之鮑氏驄

龍種

其松之南吐谷渾之地有青海周四十里海中有小
山每冬冰合後以良牡馬置此山至來冬收之馬有
孕所生得駒号曰龍種

天馬子

大宛國中有高山其土有馬不可得因取五色母馬
置其下與集生駒皆汗血因号曰天馬子

赤耳騮

隋西域圖記云大宛馬其騮馬烏馬多赤耳黃馬赤馬多黑耳唯耳色別目餘毛色與常馬不異

駒駉馬

瑞應圖曰幽隱之獸也明王在位即至

繁鬣

分其繁鬣兩鄉被之也記周人黃馬繁鬣

黃耳

魏時西卑獻千里馬駉色而兩耳黃名曰黃耳

踏雪馬

踏雪馬四蹄皆白也

儻馬

宋孝武時西域獻儻馬

龍驤赤

齊高帝号所乘赤者為龍驤赤

馬稱一疋

藝文類聚顏回望吳門見一疋練孔子曰馬也然則馬之先景一疋長耳故後人号馬為一疋

青龍疋

馬之美者青龍之疋追風之乘

馬郡

馬郡宜馬代居以善馬奉棄子注冀之北土馬所生故謂代郡為馬郡

雙瞳夾鏡

雙瞳夾鏡兩權恂月赭白馬賦

目成人

相馬經目成人者行千里注視童子中人頭足皆見

刷幽燕

且刷幽燕暮秣荆越馬賦

鴻驚龍翥

欵聳擢以鴻驚時濩略而龍翥馬賦

齒歷衰

馬賦齒歷雖衰而藝美不忒注歷數也

霜戾秋登

露滋月肅霜戾秋登戾至也登成也馬賦

睨影高鳴

睨影高鳴將超中折馬賦

脩埒

馬賦脩埒坦其平舒

紫燕綠地

紫燕駢銜綠蛇衛轂皆馬名馬賦

膺門

膺門沫赭汗溝走血馬賦

秀騏

尸子曰馬有秀騏逢騏

紅粟秩

處以濯龍之奧委以紅粟之秩言馬食粟馬賦

精權奇

雄志倜儻精權奇馬賦

月駟雲螭

稟靈月駟祖雲螭馬賦

控絕景

謝玄暉詩俠客控絕景馬名也

受精皎月

受精皎月稟氣靈淵言馬也七命

沫如揮紅

沫如揮紅汗如振血七命

整蘭筋

相馬經云一筋從玄中出謂之蘭筋玄中者目上陷如井字蘭筋豎者千里

駮乘旦

駕則旦至故以爲名王褒頌

如歷塊

過都越國蹶如歷塊言如歷一小塊之間全上

翠黃

招翠黃乘龍於沼翠黃乘黃也龍翼馬身黃帝乘之而仙

浮駮

浮駮無綏轍言馬飛浮而去謝靈運

月駮

雲螭非易尺月駮本難傳武三思馬詩

金駮腦

力憊未思金絡腦影寒空望錦障佐唐病馬詩

銀壓胯

懸銀壓胯力渾欺看玉嘶頭秦韜玉紫騮詩

望雲騮

德宗以八馬幸蜀七馬道斃唯望雲騮來往不頓後死天廐元稹作歌


胯竦三山

沈氏言行錄卷之二

沈氏言行錄卷之二

沈氏言行錄卷之二

沈氏言行錄卷之二



凡謝魚欲產鮪魚輒舐其腹世謂衆魚之生母

蠚輸稻

蠚八月腹中有芒芒其稻芒也長寸許東輸海神未輸不可食

鼃鼃

上其拘反下音壁似龜而大其文如玳瑁可以飾器

魚丁

爾雅魚枕謂之丁腸謂之乙尾謂之丙注其骨形似篆書丁字丙字乙字也

含漿

蚌一名含漿爾雅

魁蛤

狀如海蛤負而厚外有理縱橫即今蚶也爾雅謂之魁陸

梁水魴

爾雅注魴一名鮠江東呼為鮠遼中梁水魴特肥而厚尤美於中國故其鄉語曰居就粮梁水魴

尉魚

爾雅注東萊遼東人謂鮠為尉魚或謂之仲明

捨鯢魚

家語宓子賤治單父孔子使巫馬期往觀政見澳者得魚輒捨之期間焉曰魚之火名為鱣鱣吾大夫愛之其小者名為鯢吾大夫欲長之是以捨之

蟹奴

瓊瑁似少蜂有一少蟹在腹中時出來食故淮海之人呼為蟹奴

巨鼈具顛顛

巨鼈具顛顛首冠靈山上音備下許器反吳都賦

沈虎潛鹿

沈虎潛鹿並魚名選吳都賦注

玉玼

郭璞江賦玉玼海月吐內石華海物異名江玼柱厥
甲美如玼王韓退之詩馬甲柱蓋謂此而世人不用
玼字蓋未知耳趙德麟侯鯖集

瓦隴

一名魁陸嶺表錄異云瓦隴殼中有肉紫色曰天蛮
角

天蛮角見上

水畜

陶朱公曰治生有五水畜第一謂養魚也

膠腮點額

交州記交趾郡封谿有龍門水深百尋大魚登此門
化成龍不得過膠腮點額血流此水常如丹池有秦
潜江出漚山分九十九流三百里共會一口

丙穴

嘉魚出於丙穴在漢中沔陽縣北

鮪鮪王鱸

鮪小者王大者郭璞曰鮪屬大者王鮪小者鮪

虎鹿魚

江賦或鹿駱象鼻或虎狀龍顏注今海中有虎鹿魚

頭似虎鹿也

鱒魚

音團山海經其狀如鮒而彘尾郭璞注云言團如扇之團

鱣似便面

鱣似便面雌常負雄而行失雄則不能獨活出廣志

蝟魚

音媚似蝦食之益顏色有愛媚出臨海水出志

鸚螺

江賦鸚螺蛭蝸注南州異物志鸚鵡螺狀如覆子頭

如鳥頭向其腹視似鸚鵡故以為名

洪蚶專車

江賦洪蚶專車言其大臨海水土物志曰蚶徑四尺有文皆似瓦壘蚶呼甘反

石蛙

居葉反南越志石蛙形如龜脚得春雨則生華華似草華

玄螭

江賦玄螭硯礫而硯礪皆不平兒南越志如馬蹄

頽螿吐璣

江賦頽螿肺躍而吐璣山海經云珠螿之魚其狀如肺而有目六足吐珠螿灼戒反

文魼孕璆

江賦文魼孕璆音毗山海經文魼之魚其狀如覆鈔鳥首而翼魚尾其聲如磬是生珠玉

游鱗逸瀾

選閑居賦游鱗逸瀾上仕咸反下仕角反注出汶之魚

石班魚

出九華山雪潭長寸餘身被五色食之甘肥

石邦

類蛙而大出九華岩山間閩越地蛤也

魚瞰雞睨

王褒曰魚瞰雞睨李善注以魚不瞑雞斜視

蛤蚧

蛤蚧大月三聲小月兩聲

蝦蛇

水母亦曰蝦蛇亦名海月土人爲鱠謂之靈鱠蛇除駕反

石鮭

龜脚生石上有甲其子如粟春夏生苗如海藻亦有花所謂石鮭楊葩其狀甚異

桀步

擁劍一名桀步蓋蟹之類蝤蛸是也

懷墨

南越志云鳥賊懷墨而知禮

纜魚

舊說鳥聖有矴遇風則蚪前一須下矴一名纜魚風波稍急即以其須粘石為纜

燃鐵

舊說鼈脂得火可以燃鐵

蛤魚臙

裴頠崇有論曰鳥無胃肺蛤唇無臙

鸞帆

鸞殼上有物如角常偃高七八寸每遇風至即牽扇風而行俗呼之以為鸞帆舊云視鷓制拖觀鸞制帆

懶定

淮南子云鵲巢知風之自懶定知水之高下

倭婦

東晉發蒙記曰懶以倭為婦

婢妾魚

綠珠傳曰州大荒山上有池池中有婢妾魚

魚婢

江東謂青魚為婢鰮魚為童子魚為士父古今注

懶婦魚

述異記淮南有懶婦魚俗云昔揚氏家婦為姑所怒溺死化為魚脂可燃獨照歡樂博奕則明照紡績則不復明

無腸公子

蟹也出抱撲子

石蛆沙虹

武夷君食石蛆穢沙虹鮮河祇脯注石蛆小蟹沙虹

蝦也河祇脯乾魚也武夷記

雀化

風土記六月東南長風海魚化為黃雀又禮記季秋雀入大水為蛤故荀租黃雀詩云空城舊侶絕滄海故交分樂府有空城雀

禁鯢鮪

魯語宣公夏濫於泗淵里革斷其罟而弃之曰魚禁鯢鮪鳥翼殼外蕃廢物也爾雅注云凡魚之子摠名鯢

蟹螯如山

有海賈每見兩山相對出千波各高數丈已忽不見
舟人云此巨蟹螯

金鰲光

子頓在海南日一夜方三更忽曉如日初出多時復
暗徧嶺南悉然後有海客言其夜海中見大金鰲浮
出目光照耀天地如白昼徐徐復沒驗其日正同方
知鰲光紀聞談

河伯從事

世傳鳥賊爲河伯從事以其含墨也又云鳥魚墨爲
歲文畫脫如空紙無行者故爲契券酉俎

數圓

數員居山岸如彭蠡取土作圓數至三百則潮至舟
人以爲候呼爲數員酉俎

海鏡

越絕書云海鏡廣人呼爲膏菜盤二殼相合以成形
外圓而中甚瑩潔有少肉如蚌中有紅蟹子如小豆
而鰲足皆其海鏡飢則蟹出拾食蟹飽歸腹海鏡亦
飽嶺表異錄

劍魚

爾雅注鯨呼爲劍魚

魚倉

永嘉記青田谿冬水熱衆魚歸之曰魚倉

龍鯉

龍鯉陵居山海經

已憂儵

山海經云帶山茈葫之水有儵魚食之已憂圖贊云

汨和損平莫慘於憂詩萱草山經則儵

鮪魚

鱗鬣有蛟蜃之狀土人碎以為鮪出戎州

龜門

玄木膏郵

崔豹古今注龜名玄木膏郵

食飛塵

曹植龜賦食飛塵以實氣

能言龜

洞冥記元封二年外國獻能言龜東方朔云唯承桂露飲之

庶龜

玄旣生靈龜靈龜生庶龜

火龜

生於火中皆大鼠之類爾雅疏

六眼龜

君山上有池池中出三足鱉六眼龜爾雅疏

洞玄先生

洞玄先生龜也出宣室志

先知君

龜又号爲先知君抱朴子

居鵲尾

史氏曰龜生百歲故居鵲尾之上

龜出頭

黃安坐一龜長三尺云伏羲造網罟得之此虫畏日
月光二千年一出頭我生此龜五出頭矣時謂安萬
歲洞冥記

玉靈

玉靈龜也出史記龜筮傳

波臣

莊子曰我東海之波臣也山谷云吉凶更莫問波臣

玄天

玄天龜也見文東野失子詩

海錄碎事二十二卷上

海錄碎事二十二卷下

六畜門

長髯簿

崔豹羊一名長髯簿

六擾

豫州其畜宜六擾注謂之擾者人所馴養也六擾者
馬羊牛豕犬雞

蝨議所食

豕入豕柵議所食曰肥豕不度臘相與食其瘠者出
逸士傳

烏金

唐洪州有人蓄猪致富因号猪為烏金朝野僉載

中禁鬻

猪肉項上一鬻謂之中禁鬻晉書

古旃

北虜稱牛為古旃

犀鎧

犀鎧今之水牛通謂之犀唐書

果下牛

出廣州以其庫小可行果樹下今之撥牛是也

黃耳冢

陸機葬其犬去家二百步聚石為墳俗謂之黃耳冢
出述異記

烏龍

搜神設張然犬名烏龍殺其奴與妻奸者

黃蒼

張虓犬名黃蒼虓為劫所殺犬號叫屍側宛轉血中

雞鴨門

藁頭肥

山谷詩湖稻初春雲子白家雞正有藁頭肥

狸膏

曹植鬪雞詩願蒙狸膏肋常得擅此場

長鳴雞

西京雜記成帝時交趾獻長鳴雞下漏驗之晷刻不差長鳴一食時不絕

雞知旦

淮南子雞知將旦鶴知夜半言鶴知之早也坡詩獨鶴不須驚夜旦

潮雞

與地志移風縣有潮雞鳴長旦清如吹角每潮至則

鳴一名材雞

魚瞰雞視見水族門

呼群德

吳均曰雞有呼群之德鹿有食呼之美

五時雞

有雞夜鳴隨鼓節一更為一啞號五時雞

失旦雞

諸葛瑾曰失旦之雞復思一鳴

雞翹衛錦

雞翹衛錦豈勝鮮華雞翹冠也温庭筠

芥雞羽

李氏芥雞羽印氏金距左傳

鑿牆棲

詩雞栖于時注云鑿牆而栖日時

芥粉

周王褒鬪雞詩妬敵金芒起猜群芥粉生梁孝威詩

趙中含芥粉距外懼金芒

專棲之雄

抱朴子雞有專棲之雄蟻有兼弱之智蜂有攻寡之

計

呼弼弼

遺却自雞呼弼弼音祝施肩吾詩

翰音跖

翰音之跖足也

伺晨鳥

譬彼伺晨鳥揚聲當及旦陸士衡

百日鵝

子鷺百日外子鴨六七十日佳過此肉硬矣

昇渠鴨

互都有鴨丹毛而輕昇於美渠啜露而食日昇渠鴨

洞冥記

鷲警鬼

段氏云鷲警鬼鷓鴣厭人孔雀辟惡

雜蟲門

齊女

漢董仲舒云齊王之后怨王而死尸化為蟬登樹而

鳴故蟬名齊女

含風蟬

蕭瑟含風蟬寒戾度雲鴈謝惠連詩

肥遺

偽蜀王衍時自五月不雨至九月肥遺見紅樓注云
肥遺蛇名角上有大見則大旱出山海經外傳華山
亦有此蛇王氏開國記以肥遺早鬼非也紅樓蜀端
門樓也

食塵

山海經黑水南有蛇曰食塵蔡邕云蚓食塵飲泉

蜂十圍

丹蛇踰百尺玄蜂盈十圍鮑明遠詩

吹蠱

含沙射流影吹蠱病行暉南方畜蠱殺行人置飲食

中人不覺其家遂滅則飛游妄逐行客中皆病死吹
蠱飛蠱也鮑明遠詩

點白

食苗實碩鼠點白信蒼蠅言能變白爲黑也鮑明遠詩

蓼蟲

蓼蟲避葵董習苦不言排言小人不知曠士之懷如
蓼蟲不知葵董之美也鮑明遠詩

黑蜈

黑蜈躍重淵商羊儻野庭音戾虵皆欲雨之候張景

陽詩

寒蟬

肅肅莎雞羽烈烈寒蟬啼莎雞促織也蟬也謝惠

連詩

數蝶

花叢亂數蝶風簾入飛燕謝玄暉詩

網蟲

網蟲垂戶織夕鳥傍簷飛沈休文詩

丹鳥

夏小正日丹鳥羞白鳥丹鳥螢火也

景天

螢一名景天一名夜光 崔豹注

鳳車

蝶一名鳳子一名鬼車一名鳳車搜神記朽帚為蚤

麥為蚘蝶

稷蟲

說苑蟲者人之所攻鼠者人之所燠未嘗見稷蟲見

攻社鼠見燠

卒然蛇

孫子兵法曰常山之蛇名曰卒然一身而兩頭擊其

一頭則一頭至擊其中則兩頭俱至 張華博物志

歡喜蟲

雜俎歡喜蟲能見衆夢

叩頭蟲

小鳥聞批頰微虫弄叩頭 張祐詩

越王約髮

爾雅注兩頭蛇江東呼越王約髮言其所變也

五枝鼠

爾雅釋文鼯五枝鼠也音石蔡邕勸學篇五枝者能飛不能上屋能緣不能窮木能偈不能渡瀆能走不

能絕不能藏不能覆身

胸臆

蚯蚓也夔州多此蟲故以為地名上音蠢下如九反

露珊見露門

如絲氣

杜詩崔十九太平寺泉眼云青白二小地幽次可時
靚如絲氣或上爛熳為雲雨

蜜房羽客

蜜房羽客類芳心冶葉猖條徧相識李義山

昆虫

昆明也百虫待明而動故曰昆虫

土鴨

陶隱居本草注蛙大而青春者俗名土鴨其鳴甚大

丹書八字

抱朴子蟾蜍壽三千歲者頭上有角頷下有丹書八
字玄中記云食之壽千歲

蝦蟇懷土

俗說蝦蟇懷土雖取置遠郊一夕復還其所

投機

古今注促織一名投機莎雞一名絡緯

蜂無雌

古今注龜鼈之類無雄蜂蝶之類無雌

蛾眉

蛾似黃蝶而小其眉勾曲如畫詩言蛾眉

慕光

螢載火

飛螢拂燈火夜飛一名慕光傳曰螢載火而寒一名挾火一名夜光一名霄燭

霄燭

見上

蛇腹窟

造化權輿云蛇腹窟蟻蟻皆行

潔飢

抱朴子玄蟬潔飢不羨螻娘穢飽

商距

莊子使蚊負山商距馳河螂蛆一名商距

蜂臺蟻樓

古語蓋蜂窠疊構如臺蟻蛭似樓

喜母

絡新婦

郭璞云今小蜘蛛長股者俗呼喜子垂絲着人衣當有親客至荊州河內之人謂之喜母又一名絡新婦
取締集高樹多涼吹踈蟬是斷聲

歌女

江東人謂蚯蚓為歌女或曰鳴砌

野蛾

蝶一名野蛾

弄圓

蟻娘一名弄圓一名轉圓

立針

蝦蟇一名立針

黍民

河內人見有人馬數千萬皆如黍米以火燒之入成

蚊蚋馬成大蟻故呼蚊蚋為黍民蟻為立駒

玄駒見上

恠虫

小說漢武幸甘泉道中有虫赤色以問東方朔對曰此虫名為恠昔時拘繫無辜咸仰首曰恠哉恠哉上天憤所生也必秦獄地按之果然又曰凡愁者得酒解以酒灌之隨散

龍親象見水旱門

司城玉簿

李知微宿都省夜聞呼馳道都尉司城玉簿者見數

小人入古槐下一穴明日發視乃鼠耳

釀蜜蜂

樹宿含櫻鳥花雷釀蜜蜂含櫻鳥鶯也唐信

蟻載粒

符子東海有鰲冠蓬菜而浮游群蟻相謂曰彼之冠
山何異我之載粒道遂封壤之巔伏于窟穴之下

銜窠藪

楊惲曰鼠不容容銜窠藪也

青弁使者

青弁使者蜻蛉也古今注

蟲緝絲

八月詞傍簷虫緝絲向壁燈垂花

水蟲邗弩

廣記云水弩之虫常自四月一日上弩至八月邗之
見人影則射

蟬鏹生

爾雅注蟬屬皆剖坪母背以為孔鏹而生

步屈

尺蠖一名步屈

鳴砌

蚓謂之鳴砌亦謂之歌女古今注

朱浚元

有人得朱蛇放之後來致謝補進士朱浚元幽怪錄

仙鼠

蝙蝠謂之仙鼠古今注

蠅豹

蠅虎謂之蠅豹古今注

蟻城

有冉端者因營葬掘地遇蟻城方丈城壘皆具若雕刻中有街徑樓閣二大蟻居樓閣中一紫色足翅皆

如金百陽雜俎

蜉蝣王

徐玄之夜讀書見人物如粟數百皆具甲冑擁一紫衣者行案上傳呼曰蜉蝣王欲觀於紫石潭見魚數十硯中皆獲小魚玄之大駭以書冊覆之照者皆無

異物實錄

鳴蛇

山海經鮮水多鳴蛇其狀如蛇其音如磬四翼見則其邑大旱

駁蝦

南都賦駁蝦矮地駁大也爾雅注蝦大者長一二丈

飛生

鼯鼠一名飛生上林賦注

黃要

郭璞云殼似鼯而大要以後黃一名黃要食獼猴

熠燿

秋典賦熠燿棄於階闈蟋蟀鳴乎軒屏注熠燿螢也

蝼蛄

嘯賦蝼蛄蜿蜿龍蛇之兒

赤蟻若象

赤蟻若象玄蜂若壺離騷

黃犢舍

蝸牛螺虫之有角俗或呼為黃犢舍

唐公所

房君字公房白日昇天雞鳴天上大吹雲中唯以鼠
惡雷之所乃感激自出其腸胃時人謂之唐公鼠

巨芥

兗豫間塘螂為巨芥出方言

笛師

蠶燕趙間曰蠨螋音蒙翁其小者謂之蠨螋小而密者謂之壺蠶注云穿竹木作孔有密者又謂之笛師出方言

夜遊女子

螢火也此伏尸之精燒香辟之若入人家其色青者吉紅者有禍殃玉箱雜記

飛軍糧

飛軍糧蜂子

伏翼

伏翼蝙蝠也

地蟪

黃帝得土德黃龍地蟪見注丘蚓也音引漢志

短狐

漢五行志云蜮生南越又云短狐即蜮也在水旁能射人南方名短狐注射二也亦名水弩

青喚蟬

白若白鷺鮮清如清喚蟬李白

豹文鼠

豹文鼠終軍以爾雅辨其名而受賜

蝦蟇

墨子曰禽子問曰多言有益乎曰蝦蟇日夜鳴口乾而人不聽之

蛇醫

蛇醫方言蝦蟇也

曹氏子

齊人曹氏子乃蟻螬出宣室志

日兩衙見方枝門

龍門

雲螭

雖欲騰舟谿雲螭非我駕注雲螭龍也郭景純詩

逸瀾

魚龍逸瀾山鳥群飛上士威下助角切魚龍游水聲

嵇叔夜

龍有五種

一象形二虵形三馬形四魚形五蝦蟇形

三種過患

龍有三種過患一熱沙墮其頭二以虵形行欲三有金翅鳥畏又有一苦以風吹寶衣露身生苦

不能變形

四分律文中說諸龍初生時睡時瞑時行欲時不能

變形餘時皆能變形

多舌龍

德又迦龍王舊云多舌龍由多言故此是第六般若波羅密門善說多法故云多舌託此龍位寄顯法故

射獵門

雙鶴

列子蒲子之弋連雙鶴於青雲之際

飛土逐肉

古人彈歌曰斷竹厲木飛土逐肉

毅者

漢書發飲飛毅者注謂能張弩者

忘婦

左攬繁弱右接忘婦繁弱弓名忘婦矢名嵇叔夜

罽羅

寄言罽羅者寥廓已高翔罽音尉所以張捕謝玄暉

馳馳

馳馳未能半双兔過我前曹子建

接飛鳶

餘巧未及展伸手接飛鳶曹子建詩

輕繳

高鳥未挂於輕繳注繳矰射也曹子建表

飛羅脩罽

音旻網也布飛羅施脩罽七命

毛林丹簿

數為毛林隄為丹簿言田獵殺多也七命

解勞

韓偓出獵歸詩紅袖擁門持燭炬解勞今夜宴華堂

贊獲

贊獲一聲連朔漠賀杯環騎無優倡韓偓

謝雉醫

掃掠走馬路整頓射雉醫平喏字義山詩

走狗塘

走狗塘鶴陂墟掃巷皆吳王田獵之地平江扁經

鶴陂墟見上

雙鶻

射詩雙鶻摧孔雀一矢頂貪狼

九規

射詩百步望雲立九規看月張叙神堯皇帝之射

龍臂

龍臂勝猿臂星芒起箭芒

銀鐃

薛逢獵詩金鞍俯鞚塞開處銀鐃離弦中塞聲

打圍

山谷謝獐肉果然口腹爲灾恠夢去呼鷲雲打圍

素支

楮白馬賦歷素支而冰烈注云射的也

寧不食

後魏咸陽王坦好田獵曰吾寧三日不食不能一日不獵

聞弦虛墜

折翩翩飛隨轉蓬聞弦虛墜下霜空李白

行圍

江沙橫獵騎山火繞行圍李白

五首

陸魯望詩三節涼波魚鱗動五首春草雉媒嬌注
陸士衡對晉武帝三節冬溫夏涼五首笑王獵所

謝雉場

東昏置射雉場二百九十六處翳中帷帳及步障皆
衿以綠紅金銀鏤弩牙毒瘡帖前

獲車

田獵收所得禽以實獲車

獲旗

田獵建獲旗

射侯制

侯制上廣下狹取象於人也張臂八尺張足下六尺

梁鄒

制同乎梁鄒義合乎靈囿東都賦天子曰獵地名也

毛詩傳曰古有梁鄒梁鄒者天子之田也

割鮮染輪

子虛賦割鮮染輪言田獵其血染車輪也

垂天畢

荷垂天之畢張竟野之采羽獵賦

媒翳

潘安仁射雉賦因講肄之餘而習媒翳之事

兩禽連

左挽因右發一縱兩禽連曹子建

東津南圃

魏文帝詩校獵東橋津又張衡羽獵賦曰曼遷集乎

南圃

七高雲

弋下高雲之鳥餌出深淵之魚應休硬書

矰繳

繳之若矰矢射也亦作繳曹子建曰高鳥未挂輕繳上音曾下音酌鄭玄曰結繳於矢謂之矰二高也

魚釣門

魚師

王泓之釣於上虞江或問漁師得魚賣否

箸簞

上蘇挺切下音令竹器也山谷詩云漁父熬網投箸簞

篠簞

釣者以獨爾絲綸芒針為鈎荆條為干剖粒為餌

桂餌

初李記有以桂為餌

翠綸

關子曰垂翡翠之綸

宿沙

魯連子云古善漁宿沙渠子使漁山側雖丁宿沙子不得漁焉宿沙非暗於道也彼山者非魚之所生也

釣師

人間幸有蓑蕪笠且上芳舟作釣師林逋詩

魚墅

林逋雪詩寒連水石明魚墅猛共松篁壓寺埽

曳寒蕭

陸龜蒙手提孤篁曳寒蕭言釣也

玄洲

宋玉釣賦云玄洲天下善釣者也

八絲線

玄洲以三尋之竿八絲之線以出一二尺之魚

施技

玄洲因水勢而施技

仁義為釣

禹湯之釣以賢聖為竿節德為綸仁義為釣利之為餌四海為池萬民為魚釣道微也

白鷺縑

爾雅疏白鷺頭翅上皆有長翰毛今江東人取以為健攤名之曰白鷺縑

百囊罟

爾雅注綬罟者今之百囊罟也九罟者魚之所入有九囊也

曲梁

詩魚麗于罟注曲梁也其功易故謂之寡婦之笱

採捕郎

葉孟應阻蟹螯香乞與江邊採捕郎謝寄蟹

漁絕

陸詩三茆涼彼漁絕動五茸春草雉媒嬌注陸士衡

對晉武帝三茆冬温夏涼五茸吳王獵所

扈葉

吳都記江濱漁者埤竹繩編之以取魚謂之扈葉

沉絲

沉絲結飛矰注沉絲漁網也

捕魚翁

捕魚翁龜蒙詩

蟹斷

江東云蟹稻之登也率執一穗以朝其魁然後任其所之蚤夜曹沸指江而奔漁者緯蕭承其流而障之名曰蟹斷音斷其江之道故焉耳陸龜蒙蟹志

半尺鱸

寄淮南鄭寶書記清詞醉草無因見但釣寒江半尺鱸

釣具

垣衣釣具腥

編霜莢

編霜莢緝寒茅出沈休文

漁兄漁弟

漁兄漁弟喜到來李夢符漁父詞

草門音蘇附

書帶

三齊記鄭玄教學處有草如薤而細俗謂康成書帶

蕨藁

選百卉挺蕨藁注初生之兒也王仲宣詩

陽卉腓

淒淒陽卉腓音肥言風霜慘淒草木色皆病也

蘭薄

遠巖映蘭薄白日麗江臯薄叢也江臯江曲也謝靈運

臯蘭

臯蘭被徑路澤畔曰臯阮嗣宗

忘歸草

安得忘歸草言樹背與襟忘歸草即忘憂草也

青青河畔

離離山上苗青青河畔草選古詩

芳荃

忘歸屬蘭杜懷祿寄芳荃沈休文詩

荳離

塘上行荳離生幽渚歲芳不足宜注荳離香草也喻
婦人居幽閑之室德微不足奉君子也陸士衡詩

紅藥

紅藥當堦翻蒼苔依砌上謝玄暉詩

靡莢

相逢詠靡莢碎寵悲團扇古詩上山採靡莢下山逢

故夫靡善本作靡謝玄暉

綠錢

賓階綠錢蒲客位紫苔生古今注苔蘚一名綠錢沈

休文

霜根

仲秋邊風起孤蓬卷霜根王僧達詩

被幽崖

綠竹夾清水秋蘭被幽崖魏文帝詩

宿莽

夕搴洲之宿莽草經冬不死曰宿莽莽音姆宿草也

離騷

蕙蔭

蔭香草也昌亥切一音蔭離騷

九畹蘭

余既滋蘭之九畹兮又樹惠之百畝三十畝曰畹離騷

菴蘋

菴蘋齊葉白芷生

藿靡

蘋草藿靡注華敷兒

神蕪

仰折神蕪俯采朝蘭音囂香草

臯蘇

王朗書云雖復萱草忘憂臯蘇釋勞年以過也

神濩草

神農本草常山有草名神濩置之門上每夜叱人

白氈

徒葉切草也出高昌國粗也名吉具細名白氈

昔邪

瓦松也在屋曰昔邪在墻曰垣衣梁簡文詠薔薇詩云綠堦覆碧綺依簷映昔邪

夢草

漢武帝時異國所獻晝縮入地夜若抽萌帝思李夫人懷之輒夢出洞冥記

草盤青

半欄花藉白一徑草盤青

夫須

臺草一名夫須可為蓑笠南山有臺是也

水英

爾雅云芹楚葵注水中芹菜本草一名水英

鷓脚莎

爾雅云菘玉芻郭景純云菘蓐今呼鷓脚莎詩瞻彼淇奧綠竹猗猗是也

烏臼見鳥門

鮮色

劉昭禹詩鮮色圍波井花陰上竹樓

不成錢

水凍菖蒲朱生節閏寒榆莢不成錢

兔葵

兔葵苗如龍芮花白莖紫

燕麥

燕麥草似麥亦曰雀麥

夜光芝

華陽洞有五種夜光芝

曲草萋

女蘿施詩四月萋萋盛兒也

燕胎芝

茅君傳句曲山有神芝名曰燕胎芝紫色狀如鮫欲
飛食一株為太清仙正一即中

燕尾香

蘭葉尖長有花紅色白俗呼為燕尾香煮水浴療風

馬蹄香

馬蹄香杜衡也葉似葵形如馬蹄

十步香

南海貢十步香佩之聞十步今海隅有十步草是其
種也

萱蘭訴

脩竹彈甘蕉丈云有臺西階澤蘭萱草到園同訴言
陽景所照由來無隔而甘蕉攢莖布葉獨見障蔽雖
處臺隅遂同幽谷

蒨蘭

俠嘉夜蒨蘭芳俠與挾同嘉夜芳草也蒨即今白蒨

音昌改反

俗草

枝下無俗草所植唯蘭孫

卷施草

贈眉卷施草心斷竟何言李白詩此草拔心不死

陰蘭蕤

清英神仙骨芬馥陰蘭蕤

蕨枝拳

不知舊行徑初拳幾枝蕨

流草

流草蓬也病草艾也

忍草

清香惹苔蘚忍草雜蘭蓀

媚草

述異記媚草鶴子草也蔓生色淺紫蒂形如飛鶴春

月生雙虫食其葉越女收養虫老蚘為蝶帶之号媚

蝶嶺表異錄

寡婦莎

述異記秦趙間有相思草節節相續又名斷腸草媚

婦草寡婦莎

無情草

雜俎范陽貢無情草使人無情

睡草

又桂林有睡草見之則令人睡一名醉草亦呼嬾婦
歲

嬾婦歲見上

澤葵

又苔錢亦謂之澤葵又謂之重錢草亦呼宣鮮南人
呼妬草

重錢草見上

蘚陣

鶴毛橫蘚陣蟻穴入莎根

采華草

太極山有采華草服之通萬里言

苔絮

手牽苔絮長專花

菱絲

釣魚詩菱絲紫獨爾蒲采蟄雙魚又馮詩木蘭椒葉
蓋病客扶起種菱絲

湘糝皓本

武夷記武夷君食之注湘蕤苻也皓本根也

茱萸

茱萸窗下蘭密密堂前柳

羊齒草

本名懸馬細葉葉羅生而毛有似羊齒今東人呼為
鴈齒綠者以取苾緒也

連錢苻

太液池有連錢苻洞冥記

躡空草

鳥莽國有草如芥葉食之能行空中号躡空草洞冥記

太陽草

天老曰太陽草服之長生即黃精也博物志

鼠筲

纖細似龍鬚可以為席蜀中出好者

地血

舊草可染絳陸機云一名地血

皤蒿

詩云于以采蘩毛傳云皤蒿也郭氏云白蒿又云葉
似艾上有白毛粗澁俗呼為蓬蒿可以為菹

布獲

麋蕪布護於中阿音護

留美

雜以留美草也

幽蘭

雲賦以幽蘭

蘭倚靡

藉蘭阜之倚靡

香掩掩

越香掩掩言草木之香發越也

幽薄

白華朱萼被於幽薄曰華絳趺在陵之取

平蔚

原薄信平蔚

蘭茗

翡翠戲蘭茗

相因依

芰荷迭映蔚蒲稗相因依

朱柯

西京賦擢靈芝之朱柯

綠葉紫莖

秋蘭兮青青綠葉兮紫莖

甜娘

甜娘草名廣南人造酒多用之

合歡

合歡蠲忿萱草忘憂崔豹古今注曰合歡樹似梧桐
枝葉繁互相交結每一風來輒自相離了不相牽綴
樹之階庭使人不忿也

萱草見上

九衢之草

九衢之草千計其枝交錯相重九出也山海經少室

之山有木焉名曰帝休其枝五衢其花黑實服者不
怒

木門榭林野燒附

鞞鞞法

龜蒙詩手携鞞鞞法若在中印國鞞布頂及鞞大各
及唐言楊枝也

陽林

白雪停陰崗丹葩耀陽林左太冲

九秋幹

心契九秋幹目覽三春莢謝靈運詩

阡阡

遠樹暖阡阡注茂美兒也

前林

秋風吐商氣蕭瑟掃前林張孟陽詩

稍稍

稍稍枝早勁塗塗露晚晞稍稍勁強無葉之兒塗者

厚也謝玄暉詩

脩薄

谷風拂脩薄油雲翳高岑注草木叢生曰薄陸士衡詩

鳴鳳條

假翼鳴鳳條濯足升龍淵謂梧桐也

枌櫨

揮手告鄉曲三期載歸旋且為樹枌櫨無令孤願言

謝靈運詩

八桂

天台賦云八桂森挺以凌霜

長楸

闔雞東郊道走馬長楸間魏文帝詩

豐條

豐條並春盛落葉後秋衰陸士衡詩

蕭森

磎壑無人迹荒楚鬱蕭森木叢生曰楚蕭森條長兒

張景陽

槭槭

槭槭芳葉零葉零芬華落槭槭所隔及落葉聲諒詩

萬年枝

風動萬年枝日華承露掌萬年木名謝玄暉詩

平楚

寒城一以眺平楚正蒼然說文楚叢木也謝玄暉詩

玉階樹

切愁涼風至吹我玉階樹班婕妤

宿楚

青苔日夜黃芳蕤成宿楚楚叢木也張協詩

翳薈

促鮮之遊汀潭短羽之棲翳薈音寧淺水也

陽葉陰條

陽葉春青陰條秋綠

三榮三悴

晉楊都城北角有槐木一日之間三榮三悴

鼎足松

平江李中有十題日辛夷百幹黃楊公堂槐鼎足松
雙桐石楠龍頭檜蘸水檜泮池玲瓏石或云蘇子美
嘗掌李命名也

小棠

詩其棠注云棠杜也一名杜梨而小也召伯不斁勞
民止舍於小棠之下而斷訟焉

稚杉見竹門

三眠柳

李義山賦豈殊河畔牛星隔歲才聞一過未若苑中
人柳終朝刺得三眠注漢後苑中有柳似人形一日

三倒三起

蒼官

樊宗師絳字居園記云有栢蒼官青士環列與槐朋

拘尸陀

雜拘尸陀樹見月光即開

鴈翅檜

李德裕平泉花木記有鴈翅檜葉婆婆如鴈翅也又
有珠子栢實如珠子生葉

林光

張正見上之回林光稱避暑引伏出郊行

君子樹

梁元帝芳人詩芬芳君子人交柯御宿園

柳半眠

煙柳半眠藏利臉雪梅含笑綻香唇

松釵

長松夜落釵千股小港春添水半腰韓偓詩

殺羊角

江東謂皂莢為殺羊角

衡枝

穗栢一枝衡枝偃覆疑四達之枝也

鳳條

酉陽雜俎人有折博陵君豹山園桐枝者公曰何為傷我鳳條

端正樹

玄宗發馬嵬至扶風道上有石楠樹團團愛翫云呼為端正樹蓋有所思也

嘉林

傳曰有神龜在江南嘉林中嘉林者獸無虎狼鳥無鴟梟草無毒螫野火不及斧斤不至是為嘉林

守門閭

松栢爲百木長而守門閣

五大夫

始皇上太山立石封祠祀下風雨暴至休於樹下因封其樹爲五大夫

趨塵絲

楊巨源詩江邊楊柳趨塵絲

松籟

但將松籟延佳客常帶嵐霏認遠村林逋詩

暗黃

正月樂詞上樓迎春新春歸暗黃着柳宮漏遲薄薄

淡靄弄野姿李賀詩

秋香

畫欄桂樹懸秋香三十六宮土花碧李賀

古香

山頭老桂吹古香

五衢枝

山海經少室之山上有木焉名曰帝休其枝五衢注枝五出如路

黃夾禿林

白樂天詩黃夾禿林寒有葉碧琉璃水洋無風

柳一過

太平州作歐鵲賈支柳一過

負霜栢

負霜栢一作宜霜栢

鼠梓

鼠梓其樹葉木理如楸也

攝攝

說文云楓木厚葉弱枝善搖一名攝攝

守宮槐

郭云槐葉晝日聶合而夜炆布者名守宮槐

梓實桐皮

陸機云梓實桐皮為椅

女桑

郭云今俗呼桑樹小而條長者為女桑詩云倚彼女桑是也

松葉栢身

爾雅曰樅松葉栢身檜栢葉松身

右人精

栢木也

右人精

松木也

鬼老

槐木也

舞兒腰

榆穿菜子眼柳斷舞兒腰

楓子桐孫

庾信詠樹詩楓子留為式桐孫待作琴

一霜兩霜

一霜兩霜猶可當五晨六旦颯已黃梁豫章王綜悲

落葉詩

百木長

史記松栢為百木長也而守宮闕

姑榆即榆

廣志有姑榆有即榆即榆無莢

濟南榆

應璩與龐惠恭書曰頻見所上利民之術植濟南之榆栽漢中之漆

朝菌

朝菌謂之朝華亦謂之木槿亦謂之白及亦曰舜華

帝梧

張正見鳳樓梧詩云丹山下威鳳來集帝梧中

天上樹

李紳詩序新昌宅書堂前有藥樹一株今已盈拱則長慶中於翰林院西軒藥樹下移得纔長一寸僕夫封一泥圓以歸植今則長成名之曰天上樹詩云白榆星底開紅甲硃樹宮中長紫霄

鬼庭

栢者鬼之廷也注言鬼神尚幽闇以松栢爲廷府

千千萬萬

千千石楠樹萬萬安真林

榮柯

衆鳥集榮柯

鬱金枝

燕交青青遊子悲河堤弱柳鬱金枝

情深樹

題情深樹寄象公詩云腸斷枝上猿淚添山下樽

引東枝

漢楊江上柳望客引東枝

桂子落

還聞天竺寺夢想還東越每年海樹秋桂子落秋月

攢叢

黃山過石柱巖亭上攢叢

綠玉樹

李白贈王屋山人魏萬詩君來幾何時仙臺應有期
東牕綠玉樹定長三五枝

森柯

積雪照空谷悲風鳴森柯李白詩

懸幕

南軒有孤松栢葉自懸幕李白詩

君遷樹

陸龜蒙寄南海同年庭中必有君遷樹莫向空臺望
漢朝交州記有君遷樹有朝臺尉他望漢所築也

叢條疊穎

叢條暝瞻疊穎怒魄

椰葉無蔭

椰葉無蔭檳柯無柯

丰茸

雪後朝寒猶凜冽柳梢春意已丰茸

柳絲絲

張蓋欲判江灩灩迴頭更望柳絲絲

白甲蒼髯

雙龍對起白甲蒼髯煙雨裏東坡詠松

霜下傑

淵明芳菊開林耀青松冠岩列懷此貞秀姿卓為霜下傑

厄閏年

東坡詩黃楊厄閏年自注俗說黃楊歲長一寸遇閏

退三寸

女兒腰

子美詩隔戶垂楊弱嬋嬋恰如十五女兒腰

甘木

西都賦竹林菜園芳草甘木

拼攔

上林賦注曰梭也其皮可為索音并

女真木

女真木葉冬不落上林賦

連抱

長千仞大連抱言木之大也上林賦

落落長松

陰落落之長松天台賦

桐乳

空門東風桐乳致巢注桐子似乳著其葉而生鳥喜巢其中也

椅梧

椅梧桐也琴賦

玄木

玄木冬榮唐唐賦

密微微

密微微其清閑言木之密葉微微然幽邃琴賦

林藹藹

瞻彼宗丘其林藹藹補亡詩

蘭林

結風佇蘭林陸士衡

摩蒼天

脩條摩蒼天魏文帝芙蓉池詩

葉卷

攀林摘葉卷葉初生未展謝靈運

暖阡阡

遠樹暖阡阡美兒謝玄暉

樹扶踈

統屋樹扶疎陶潛詩

故藪

孤獸思故藪離鳥悲舊林陸士衡詩

百籟吟

百籟坐自吟張景陽詩

造天

松柏豫章條上造天七發

滕輪

李德裕詩松蓋低春雪藤輪倚暮山

帶癭松

吾看有花樹不及帶癭松

赤燒

獨鳥青林暮驚鷹鷹赤燒殘温庭筠

不死木

不死木食之令人壽出柳州

突波羅樹

出梧州安折縣壅腫盤結堪以為器

豫章似枕

譬之豫章七年然後可竟耳延叔堅曰豫章與枕木相似須七年乃可別枕音尤

千仞無枝

魯連子曰東山有松千仞無枝

神王一丘

符子云陰百丈之松蕭蕭然神王一丘

十里香

述異記千年松香聞十里外一名十里香

香林

其上唯松檜檉栢每風拂脩林則香聞數里傍有古僧塔人疑其異因號香林石塔

玉女幢

木葉細長自根而上皆成層級故名玉女幢

飛仙蓋

木高無枝其末下垂如蓋出九華

仙掌扇

其木葉如扇兩相合如掌

欏槐

上古回反戶垂二反槐之別名下戶仄戶垂二切爾雅云槐葉大而黑爲欏又守宮槐葉晝日聳合而夜布

冬殞木

五嶺無冬、殞之木、嵇叔夜養生論

雜花門

簷蔔花

簷蔔花即今山梔子花也佛說譬言如入簷蔔林中唯
聞簷蔔不聞餘香禪月詩云白簷蔔花露滴滴山谷
云染梔子花六出雖香不濃郁山梔子花八出一株
可香一園

薜榮

薜榮不終朝蜉蝣豈見夕注薜槿花也朝榮暮落詩
顏如薜榮郭景純詩

丹榮

曲池楊素波列樹敷丹榮謂花也王仲宣

藥藥

撼撼芳葉零藥藥芬花落垂落貌盧子諒詩

歸華

歸華先委露別葉早辭風鮑明遠

瓊藥

上山采瓊藥穹谷饒芳蘭玉英也

木蕖

木芙蓉也山谷詩紅裝滿院木蕖秋

具多

嵩山記漢世有道士從外國將具多子來於嵩高西脚上種有四樹與衆木異一年三花白色香美

巴荳

漢書注巴荳一名芭蕉

優曇花同上並佛僧門

好行市

石竹花詩莫管金錢好行市寂寞相對是山家陸魯望詩如今莫共金錢鬪買斷秋光是此花

後庭花

蘇黃門詠雞冠花詩云後庭花草盛憐汝繫典亡性
或言矮雞冠即玉樹後庭花

菖蒲花

菖蒲花可憐聞名不相識

藥氣

艷歌行雲楣挂成戶飛棟杏爲梁斜窓迤藥氣細隙引塵先

小舊

漸蔓墜長茸島花垂小舊

摘索

陰沉天氣連翩醉摘索花枝料峭寒林逋詩

紅髮髻

欄藥日高紅髮髻反嘯李義山詩

酴醾

酴醾本作稊糜後又加酉

蕙香

李賀南園可憐日暮蕙香落嫁與春風不用媒

造紅蘭

蓀收既斷翠柳青帝又造紅蘭李賀

四照花

山海經招搖山有木狀如穀而黑理其花四照

紫冠黃鈿

紫冠黃鈿網絲窠蝶繞蜂圍奈晚何注紫冠雞冠黃

鈿黃菊山谷詩

花精

吳越錢仁傑忠懿王之從兄酷好種花人号花精

越史

御衣黃

劉貢甫芍藥譜為絕品第一高廣六七寸淡黃色葉端微碧細葉上聳藥散出間葉販花劉氏得此種於

北方其次黃樓子黃冠子金線髻子鮑黃玉逍遙昏
絕品

會三英

三色紅

會三英下品色紫或紅多葉而二頭上品三色紅

落紅滋

懷君芳歲歇庭樹落紅滋李白詩

破顏花

池開照膽鏡林吐破顏花李白詩

百兩金

本草牡丹一名百兩金又曰鼠姑

紅梨花

峽州署中有千葉紅梨花無人賞者知郡朱郎中始
加欄檻命坐客賦之

兒女花

種菊詩三種花莫種兒女花老大誰能逐年少

鹿蕊

風土記曰宜男草也宜懷妊婦人佩之必生男嵇合
賦序云荆楚之士号鹿蕊

艷中間

榴詩繁中能薄艷中間杜牧之

三春美

心契九秋幹目翫三春美 謝靈運詩

芙蓉媒

楚辭因芙蓉而為媒

罷花

堦蕙漸翻葉池蓮稍罷花 何遜

山琵琶

駱谷中有毒樹曰山琵琶其花明艷與杜鵑花相似
樵者曰早花殺人李紳詩云澗底紅花奪火燃搖風
有毒愁行客

露英

飲若木之露英注花之含露英 甘泉賦

春翹

翫春翹而有思注翹英也 思舊賦

晨葩

晨葩朝華也補亡詩

綠葉紫裹

綠葉紫裹朱莖白帶裹去聲實皮也 高唐賦

絳跌朱萼

白華朱萼被於幽薄白華絳跌在陵之陬 補亡詩

日及花

但看日及花唯是朝可憐
種花也施有吾詩

狗脊花

施有吾春日贈臨平湖主人
云池塘已長雞頭葉籬

落初開狗脊花

金步搖

金步搖叢生其花四出
皆偶對無風常搖蓋幹弱而

枝繁也

玉纓絡

其花圓繫如真珠散綴
柯條

南天竹

木虛中踈節如竹春青
夏碧秋丹冬紫

鉢囊花

鉢囊花其花生葉之上

櫻欲然

野棠開未落山櫻發
欲然沈休文詩

蘭有秀

蘭有秀兮菊有芳
漢武帝秋風辭

桃李酣酣

遙想故園陌桃李
正酣酣李義山詩

菊門

時菊

常恐鷹隼擊時菊委秋霜謝玄暉詩

落英

懋石挹飛泉攀林蹇落英蹇居偃反沈休文

散金

青條若總翠黃花如散金張季鷹詩

東籬

采菊東籬下悠然見南山陶詩

紫冠黃鈿見雜花門

菊未莎

杞菊賦云爾杞未刺爾菊未莎其如予何

制顏齡

酒能祛百慮菊為制顏齡陶詩

苦蕒

陶隱居云菊有兩種一種莖紫氣香而味甘葉可作
羹而食者為真一種莖青而大作蒿艾氣味苦不堪
食名苦蕒非真也出補注本草

陰威

陰威本草菊名

汎寒榮

寒菊汎寒榮李白詩

蓮門

芬陀利

梵語芬陀利此言白蓮花也涅槃經云如來之身非胎所汚如芬陀利花本身清淨故也

並目蓮

青陽樂樂府云青荷蓋綠水芙蓉發紅鮮下有併根藕上生並目蓮

水花

李賀水花晚色淨度足充淹晉古今注芙蓉亦名水花

雙南

王禹玉白蓮詩莫將試輕步彫刻任雙南

波頭摩華

波頭摩華赤蓮花也

優鉢羅花

青蓮花也

綠房紫的

綠房紫的美藥也

迭映蔚

芰荷迭映蔚蒲稗相因依

田田葉

雖無田田葉及爾泛漣漪古樂府云江南可採蓮蓮葉何田田陸韓卿

卷葉荷

白樂天晴沙金屑色春水麴塵波紅簇交枝杏青含卷葉荷

梅門

南枝

六帖大庾嶺上梅南落北枝開

培堆

梅花詩一枝臨路雪培堆

月老

林逋梅詩任教月老須微見却爲春寒得少留

玄冥節

常莊梅詩不隨妖艷開獨媚玄冥節

竹門

此君

世說王子猷每假人宅必種竹人詰之曰不可一日

無此君

初篁

初篁苞綠籜新蒲含紫茸
謝靈運詩

斤竹

謝靈運有從斤竹澗越嶺溪竹詩

竹花

竹花何莫莫桐葉何離離
言鳳所棲宿也范彥龍詩

冉冉

冉冉孤生竹結根泰山阿
冉冉漸生進氣阿曲也選

古詩

愛竹及酒
見酒門

祖竹

吳融詩祖竹定欺簷雪折
稚彩應拂棟雲齊

叢篁

時佐堯詩叢篁宿鳥喧

天簾

荊州記天門角上各生一竹
倒垂下拂謂之天簾

剝竹

音果割也文粹有剝竹記

亞稍

粉竹亞梢垂宿露翠荷差影聚游魚林逋詩

玉差差

韓丕枕竹詩風韻曉生泉細細月華霄泛玉差差初
宜切

竹籟

林逋春夕詩微風引竹籟斜月轉花陰

竹子

張廣神異經云竹子笋子出談助

煮箬

陸雲笑林云漢人適吳吳人設筍問何物曰竹也歸

煮其箬不熟曰吳人欺我哉談助

竹笑

竹得風其躄大屈謂之竹笑

報竹平安

李衛公言北都惟童子寺有一窠總長數尺公書與
維綱每日報竹平安

偷筍

偷筍問問人隔離必埋糞於家墻下明年筍自併出
一本作埋猫沙門糞寧筍譜

紫雲蓋

紫雲蓋慈竹也

赤玉脂

赤玉脂桃竹也

青虵枝

青虵枝苦竹也

紅鵲尾

紅鵲尾青竹也

篾帝

尚書頌命曰敷重篾席孔安國曰篾桃枝竹

敲劫客八反

蕭騷寒雨夜敲劫晚風時特之竹詩

貞幹臣

梁沈約修竹彈甘蕉文曰長淇園貞幹臣脩竹稽首

云

蕭洒侯

溪山自是清涼國松竹合封蕭洒侯陸龜蒙詩

九種竹

成都出十色牋九種竹

夜鳴秋

池花春映日
牋竹夜鳴秋李白詩

慈姥竹

李白有姑熟十詠姑熟溪丹陽湖陵歌臺慈姥竹望夫山謝公宅桓公井牛渚磯

竹約

說文竹節曰約

擅栞蟬蛸一緣反

擅栞蟬蛸皆美貌

梢雲

無以踰言其高梢雲

慈母竹

江圖曰江寧縣慈母山生竹作簫笛有妙聲

鐘籠

惟鐘籠之竒生兮于終南之陰崖注音鍾龍竹譜曰鐘籠竹名也

雪封枝

秋潦漱其下趾冬雪掃封乎其枝掃音團

汶陽孤篠

鄒魯之珎有汶陽之孤篠

節竿勁

鮑明遠詩嚴秋節竿勁竿公早反

碧鮮

令狐楚齊中栽竹地窓邊素壁初開見碧鮮

高苦竹

梧州思安縣多竹有黃苦竹白苦之名東謂之高苦竹

八月春

贊寧竹譜竹根曰鞭以鞭行時八月為春二三月為秋九百穀皆以始生為春熟成為秋也

蛇祖龍孫

梅堯臣詩蛇祖龍孫生屋後

龍生日

岳州風土記岳人五月十三日謂之龍生日可種竹即齊民要術竹醉日也

問訊

杜甫何將軍山林詩問訊東橋竹將軍有報書

易根

雜俎竹六十年易根則結實枯死

花籬

談助竹將枯死花籬乃懸

僧體盤殮

僧體盤餐惟笋味 魏野詩

果實門

都蔗

曹植詩云都蔗雖甘杖之必折巧言雖美用之必滅
晉張協有都蔗賦

塗林

陸機與弟書云張騫為漢使外國十八年得塗林塗
林安石榴也

含桃

含桃櫻桃也 呂氏春秋注以鶯鳥所含故名之禮仲

夏含桃薦寢廟

胡甘

風土記橘抽之甜美有頰者謂之胡甘

木奴

李衡種甘橘千樹号千頭木奴言利博也

沙棠

前庭樹沙棠

芳藜

茂林列芳藜 並潘安仁詩

南甘北橙

在南稱甘度北則橙音澄言生於江南則為甘而芳
香種於北地則為橙枳亦猶人之變節選潘安仁詩注

華果

靈囿耀華果通衢列高椅潘安仁

山櫻

野棠開未落山櫻發欲然沈休文詩

五色瓜見枕簟門

辰日瓜

瓜宜辰日種山谷兄大臨詩云夏我醉竹餘千箇春糞辰瓜滿萬區

四剖三離

劉楨瓜賦祈以金刀四剖三離承之以雕盤幕之以織絺

崖蜜

鬼谷子照夜青螢也百花體蜜也崖蜜櫻桃也

二花梨

一歲二花梨

三節蔗

一丈三節蔗

湖目

湖目蓮子也

越王頭

椰子爲越王頭壺樓爲杜預頭

柿七絕

俗謂柿樹有七絕一壽二多陰三無鳥窠四無虫五霜葉可翫六有嘉實七落葉肥大

蓮苞

夏雨蓮苞破秋風桂子彫張祐天竺寺詩

栗罍

風剪荷花碎霜迎栗罍開耿緯詩

傷荷藕

唐世蘇州進藕其最佳者名傷荷藕或曰葉甘爲虫

所傷或曰故傷其葉以長根也

綠帶金衣

宰臣賀蓬萊宮甘子結實表云綠帶含霜芳流綺殿
金衣爛日色麗彤庭

梅林饒子

魏武行役失道三軍皆渴乃令曰前有大梅林饒子
甘酸可解渴聞之口皆出水遂得進前

仲思棗

仲思棗長四寸五寸圍紫色亦名仙人棗

韓終李

琳園生玉李韓終嘗食之号韓終李

菱翻雞

玄都有翠水水中有菱狀如飛雞謂之翻雞菱

菱菱 水栗

武陵記四角三角曰菱兩角曰菱一名水栗一名辭

味諫

山谷謝惠橄欖詩方懷味諫軒中果忽見金盤橄欖
來想共餘甘有瓜葛苦中真味挽方回注戎州蔡次
律家軒外有餘甘余名之曰味諫

生人髮

生人髮掛果樹鳥鳥不敢食其實

連二

劉貢甫瑞荷詩連二彫成碧玉盤合歡裁作青油扇

鹿梨

鹿梨亦名鼠梨山梨也今人有種者其味極脆美

荆桃

荆桃郭璞云今櫻桃也

麥李

與麥同熟故謂之麥李

山橘

爾雅云梨山槁郭云言其在山之名則曰槁人植之曰梨

鑽梨

爾雅槁梨曰鑽梨注恐有虫故一一鑽看其虫孔也

華瓜

瓜曰華瓜注華謂半破也降於夫子破破而不四析也亦橫斷之而巾以綌也禮記爲天子削瓜副之巾以締

石阿措

崔玄微嘗遇教美人其一曰石阿措一曰封十八姨

封即風神石即石槁也

土乳梨

土乳梨金鎚棗牙樣棗半斤李子皆苑帝苑中所植也

弟果實名

李直方嘗弟果實名如貢士者以綠李爲首楞梨爲副櫻桃爲三甘子爲四蒲萄爲五或薦荔支曰寄峯之首范曄以諸香品時輩侯宋虛撰百官本草皆此類也 國史補

百子蓮

西王母見穆天子進素蓮一房百子拾遺記

崆峒靈瓜

明帝時墩煌獻異瓜云崆峒瓜四劫一實拾遺記

李如瓶

李少君言冥海之棗大如瓜種山之李大如瓶也漢

武故事

五鬣松

松言兩粒者五粒者粒當言鬣自有一種名鬣皮無鱗甲而結實多新羅取種世傳千歲萬頃平平偃蓋然有數年輒偃但命根下遇石則偃耳萬頃蓋平偃

耳爾祖

草龍珠帳

具丘之南有蒲萄谷有僧遊谷食蒲萄折一枝以婦挿地遂活明年結實極盛號草龍珠帳爾祖

木威

橄欖獨根東向枝曰木威南向曰橄欖全上

仙木

桃者五行之精能制百鬼謂之仙木荆楚歲時記

虎踏瓜

陸機瓜賦云瓜有狸首虎踏玄胥素腕之名

崑崙

崑崙蔗蔗之赤者

羊角棗

業中記石季龍園中有羊角棗長一尺

雞心棗

梁簡文詩風搖羊角樹日映雞心枝已聞安邑美未

茂玉門乘

玉門棗

西王母與老子共食玉門之棗

安邑棗

魏文帝詔曰凡棗味莫若安邑御棗

杏實主穰

杏實主穰師曠占梅杏實多來年穰

三玄紫杏

南岳夫人傳仙人有三玄紫杏

文杏

西京雜記上林苑有文杏謂有文彩也

蓬萊杏

上林苑有蓬萊杏西京雜記

魁栗

又云上林有魁栗

荔支五滋

庾肩吾謝檳榔無勞朱實蕪荔菱之五滋能發紅顏
類芙蓉之十酒

青頭雞

青頭雞鴨脚也

似古賢

晉劉涓母答吾國書胡桃本生西羌外剛撲內柔甘
質似古賢欲以奉貢

含消梨

三秦記漢武樊川園有含消梨

蜜筒瓜

吳淑瓜賦甘號蜜筒

桂髓瓜

又芳稱桂髓

土芝

稽含瓜賦世云三芝瓜處一焉謂之土芝

黃色甘

吳淑甘賦黃包稱異

平蒂甘

又平蒂標奇

三玄奈

南岳夫人傳稱為西喬設三玄素奈

橘官

異物志交趾有橘官置長一人秩三百石主歲貢御
橘

橘籍

吳闕澤長曰請除臣橘籍

橙橘戶

越多橘柚有稅謂之橙橘戶

黃甘守史

晉令閬中縣置守黃甘守史一人

橘樹家僮

橘樹當家僮盧綸詩

綠荔支

戎州所出肉熟而皮猶綠

餘甘

餘甘青實狀如山李味若橄欖生於近郊者肉脆而
虛其味薄生於馬湖者肉堅而實在戎州

高聰梨

高聰爲幽州刺史以高肇黨廢于家斷絕人事唯脩
營園果世稱高聰梨以爲珍異

東陵瓜

邵平者故秦東陵侯秦破爲布衣貧種瓜長安城東
瓜美故世謂東陵瓜

朗公橋

岩種朗公橋門深盃渡松李白隱靜寺詩

霜梨

高僧拂玉柄童子獻霜梨李白詩

飲霜栗

朝來果是滄洲逸沽酒提盤飲霜栗

白胡桃

水精珠

李白白胡桃詩紅羅袖裏分明見白玉盤中看却無
疑是老僧休念誦腕前推下水精珠

三十子

陸龜蒙橘詩珍重更過三十子不堪分付野人邊王
僧辨嘗爲荆南得橘一帶三十子以獻梁元帝

披黃苞

枝黃苞以授甘注言剝之也見笙賦

鎮心瓜

南史鄭灼苦心熟以瓜鎮心劉子化詩七盤妙舞頻
揮汗五色嘉瓜互鎮心

金桃

貞觀間康國獻黃桃大如鵝卵其色如金亦呼爲金
桃

珠櫻

凌花咀粉藥削縷穿珠櫻

鴻頭

鴻頭排茨刺鵝殼攢瓌橙鴻頭茨別名

金菱銀栗

杜陽編咸通中開昌公主下嫁有金菱銀栗連珠帳
却寒簾犀簾牙席蠲忿犀如意玉九鸞釵辟邪香

穰橙鄧橘

穰橙鄧橘南陽郡有穰縣鄧縣蜀都賦

大谷梨

烏裨柿

張公大谷之梨梁侯烏裨之柿注國侯有烏裨柿代
傳之閑居賦

周文棗

朱仲李

周文弱枝之棗房陵朱仲之李周文王時也閑居賦

沉朱實

折輕絲

夏李沉朱實秋藕折輕絲謝玄暉詩

火山

在梧州之南陽大江頂嘗有火光其上生荔支四月熟

獼猴桃

洋州雲亭山生獼猴桃其甘酸食之止渴

荔支奴

嶺表異錄荔支過龍眼始熟故名荔支奴言在後也

亞荔支

龍眼一名亞荔支

閩中第一

圖經荔支閩中第一蜀川次之

置騎

楊妃嗜荔支明皇置騎傳送走數千里

丁香子

明皇命方士以藥傳荔支根得核小宮人呼為丁香子

紫蚡包

蕭嵩為承相帝以紫蚡包黃柑賜之蚡巾也

求黃甘

唐書蕭嵩傳嵩為承相帝以紫蚡包黃柑賜之蚡巾也

魏文帝征彭城遣送九種鹽并鼓求黃甘

壺甘

崔豹古今注甘實形如石播者名壺甘

建春山甘

東方朔云東南有建春山上多美黃甘神異經

綠蒂含霜

綠蒂含霜金衣爛日黃甘賦

分甘圖

明皇得合歡甘與宰臣分食之又令畫工畫分甘圖

金彈圓

神異山橘子大者如土瓜小者如金彈圓

璇星散

斗樞璇星散爲橘柚

胡甘

本草柚酸者名胡甘

給客橙

花木志云給客橙出蜀土似橘而非若柚而香冬夏
華實相繼或如彈圓或如拳通歲食之名盧橘

盧橘見上

刻根

圖經云橄欖生嶺南閩廣木高峻不可梯刻其根下方寸許納益於中一夕子皆落

益智

圖經龍眼一名益智言味甘歸脾而益智也

栗如拳

上林有嶧陽栗大如拳本嶧陽都尉曾疵所貢

炎盤

退之平池散炎盤

熨齒

韓偓禁中詩綠香熨齒冰盤果清冷侵肌水殿風

園囿門

脩竹園

梁孝王有脩竹園

芳甸

暄鳥覆春洲雜英滿芳甸謝玄暉詩

氛雜

園中屏氛雜清曠招遠風謝靈運

花瀨

陸龜蒙自遣詩花瀨濛濛紫氣昏水邊山曲更容村
終須揀取幽棲地老桂雙成便作門

雙桂門見上

花城

李賀三月詞東方風來滿眼春花城柳暗愁幾入複
宮深殿竹風起新翠舞衿靜如水

南圃北園

南圃無遺秀枯條盈北園

奴橘女桑

舊栽奴橘老新殺女桑肥陸龜蒙詩

蘭皋

蘭皋之澤也蜀都賦

橘抽園

家有鹽泉之井戶有橘抽之園蜀都賦

瓜疇芋區

瓜疇芋區疇界埒也區畦也蜀都賦

蘭唐

蹂蕙圃踐蘭唐注蘭生唐中也羽獵賦

蘭路

清蘭路肅桂苑月賦

繁圃

惠風蕩繁圃繁茂也殷仲文詩

蘭野

蘭野茂英英

顏延年詩

春王園

逍遙春王園躑躅千畝田晉宮閣名洛陽有春王園

芳林園

芳林園在青溪菰首橋東齊高帝舊宅

晏陰

塵事又謝絕園廬方晏陰林逋詩

蘭臯

步余馬於蘭臯馳椒丘且焉止息楚詞

桃蹊李迳

顧野王詩日映桃蹊色風吹李迳香

黃菊宅

羅含黃菊宅柳惲白蘋汀李義山詩

青璣文具

東園落青璣瓜畦爛文具退之詩

海錄碎事卷第二十二下

後序

予幼學爲詩嘗從先生長者質問爲詩之利病或告之曰詩當博當專能專能博未有不造其妙者也韓退之言張旭善草書不治他技喜怒窘窮憂愉佚怨恨慕思酣醉魚聊有動於心必於草聖發之故其書變動思抑不可端倪謂詩爲當專者之論如此夫詩之爲用所以摹狀四時之造化陶寫平生喜怒哀樂之性靈前輩言

凡天下之書雖山經地誌花譜藥錄
小說細碎當無所不觀古今之詩雖
巖棲谷隱漏篇缺句當無所不講謂
詩爲當博者之論文如此予深然其
言曩時爲高澣者作送行序私竊識
焉曲折累數千百字其說甚備獨恨
後學之士或能專而不能博或能博
而不能專而予於斯二者皆不能致
力焉若今泉州大守前兵部郎中翠
巖葉侯嗣忠其可謂兼之者乎予嘗


得見侯所謂海錄者凡十數大冊皆親
書蠅頭細字惟謹蓋亡慮十餘萬事大
抵皆詩才也侯因自言游宦四十餘季
未嘗一日不作詩食以飴口怠以怡神
此書之力爲多其博與專乃如此以是
其詩老而益工如題琴泉軒云不是妙
音生妙指只緣流水似流泉魚名水云
人休清樾摩娑認鳥泊高枝睥睨看置
於唐人詩集中殆不能辨至其味錢起
江行百詩用事精當寓意清高與起詩

甚類士大夫間多傳錄之故吏部負外
郎宋侯喬年與予雅游厚善喬年有能
詩聲議論高甚少詩可願常喜稱侯詩
暨侯來守泉南而予實客寓此郡聲聞
豫熟既見歡如平生雖月卒不過一二
還往然見輒論詩無它談凡一歲間相
與更酬迭唱甚樂間一日侯誦所作郡
舍羅漢堂詩示予其斷章言幾多鴈鷺
行間吏衙退頻來禮釋迦予曰常蘇州
詩云今朝郡齋閑欲問楞伽字某每讀

至此未嘗不廢卷太息想像應物之
風流醞藉而有以知蘓臺當時之魚
事也泉爲劇郡侯能鎮之以靜而不
擾使吏輩優游如此抑亦可以見大
府辨治而侯之風度矣侯忻然以予
爲會心之友未幾予來佐臨漳郡事
侯送之以詩有戍兵數有流星遞元
白詩筒幸寄將之句予益知侯專於
詩未嘗頃刻忘也雖然使侯平昔不
能博極群書撮其機要廣錄而儲用

之雖能專如此吾恐發而爲詩事不足
以副才枯而不腴華而不實未必能如
是之工也然則所謂海錄者其可謂之
小補云乎哉侯旣自序此書登載門類
卷秩之目詳矣又以書竭予文乃爲具
道少時所以聞於先生長者之說及屬
者與侯酬唱論議之益著于篇之首夫
春秋美君子樂道人之善况於會心之
知乎此則予之意也覽觀者其自知之
紹興十有九年冬十一月十九日河陽

傳自得安道叙



上海圖書館藏

上海圖書館藏

